



PROTIV DISKRIMINACIJE

Share 0

Tweet

## TREBAMO OSTAVITI PROŠLOST IZA SEBE DA BISMO KREIRALI BUDUĆNOST U BIH

Piše: Buka ([http://www.6yka.com/home/user\\_content/QnVrYQ==/buka](http://www.6yka.com/home/user_content/QnVrYQ==/buka)) / Objavljeno: 18.05.2017. u 08:00h

Srednjoškolci, debatanti iz Katoličkog školskog centra u Sarajevu i Gazi Husrev-begove medrese, članovi mreže debatnih klubova Centra za kulturu dijaloga, su juče u Sarajevu realizirali jednodnevno druženje razgovarajući o najtežim temama, temama koje se odnose na diskriminaciju.

Susret je počeo inspirativnim predavanjem o identitetu propitujući koliko čovjek u kreiranju slike o drugima crpi iz svog identiteta i koliko ih smješta u zadane okvire. Biti drugačiji nikako ne znači, niti smije da znači, ugrožavanje drugih zbog njihove različitosti. Godinama, nažalost, svjedočimo diskriminaciji drugih i drugačijih upravo zbog naše etnocentričnosti. Nije nužno imati u vidu samo najradikalnije primjere potpunog isključenja drugih iz zajednice. Dovoljno je vidjeti nejednak tretman drugih, kontinuirano isticanje njihove različitosti i skretanje pažnje na to kao na nešto negativno i imamo pred sobom diskriminaciju. Da bi ohrabрили vršnjake da što više uvažavaju druge i drugačije, a koji su često izloženi pritiscima starijih, debatanti su razmijenili argumente o tezi da li trebamo ostaviti prošlost iza sebe da bismo kreirali budućnost u BiH. Veoma često se riječ debata, posebno formalna debata, dovodi u vezu sa zagovaranjem posve suprotnih vrijednosti. No, ovo je samo zabluda površnog poimanja formalne debate. Obje ekipe, i propozicija i opozicija, su kroz različit pristup isticali značaj prevazilaženja rana iz prošlosti koje često podupiru diskriminatorско ponašanje u nama. Budućnost mladih ljudi u BiH mora biti temeljena na, kako su sami naveli kroz diskusiju, srednjem putu između dva ekstrema: etnonacionalizma i gubitka identiteta. Taj, aristotelovski put, zlatne sredine, ujedno je put kojim se grade odnosi oslobođeni diskriminacije.

I konačno, zaključujući druženje srednjoškolaca čule su se poruke koje promoviraju jednakost u različitosti. Prihvatanje razlika kao našeg bogatstva a ne kao nedostatka. Trebamo biti ono što želimo dok god ne ugrožavamo prava drugih. Dok zagovaramo za pravo "biti ono što želim" moramo to isto pravo dopustiti i drugima. Samo prevazilazeći diskriminatorске porive u nama, jačajući nas da vidimo druge u njihovoj različitosti možemo graditi BiH po mjeri svakog čovjeka, BiH u kojoj crno i bijelo, malo i veliko, stoje u skladu a ne razarajućoj različitosti. Bijelo ne bi bilo bijelo da nema crnog, a malo ne bi bilo malo da nema velikog. Njihove različitosti čine sklad na kojem počiva svaka mjera. Neka tako bude i sa različitostima među ljudima koje neće biti predmet diskriminacije nego sklada.

*Ova Interdisciplinarna javna debata realizovana je u okviru programa "Jednakost za sve - Koalicija organizacija civilnog društva u borbi protiv diskriminacije", kroz Program grantova u okviru kojeg Centar za kulturu dijaloga provodi projekat „Jednaki u različitosti“. Projekat finansiraju USAID i Fond otvoreno društvo BiH.*

<sup>(1)</sup>  
Komentari na tekst (0) >

Ime

E-mail

Komentar

**Napomena:**

Svi komentari se prethodno moraju odobriti od strane administratora prije nego budu vidljivi na portalu. BUKA se ograđuje od stavova i mišljenja iznesenih u komentarima postavljenih na našim stranicama. Svi stavovi i mišljenja komentatora odražavaju stavove i mišljenja isključivo onih koji ih postavljaju. Redakcija BUKA je u slučaju komentara koji izazivaju rasnu, nacionalnu ili vjersku mržnju, te potiču na nasilje dužna obavijestiti nadležne organe o takvom pristiglom komentaru.

**buka**

Copyright (c) Centar za informativnu dekontaminaciju mladih Banjaluka.  
Sva prava zadržana. Zabranjeno preuzimanje sadržaja bez dozvole izdavača.  
Web development Promotim d.o.o. (<http://www.promotim.ba>) Sarajevo